

北京圖書館 編

北京圖書館藏珍本
年譜叢刊



第 63 冊

北京圖書館出版社

□北京圖書館 編

北京圖書館藏珍本
年譜叢刊

北京圖書館出版社

第 63 冊

第六十三冊目錄

堵文忠公年譜	一
申端愍公年譜	一四三
葛中翰年譜	一六五
祁忠敏公年譜	二一五
祁忠敏公年譜	三八九
陶菴先生年譜	四三五
錢忠介公年譜	四五七
陳忠裕公自著年譜	五〇三
姜貞毅先生自著年譜	六九九

堵文忠公年譜



公姓堵氏諱允錫字仲緘一字牧子號牧遊其先淮陰
人元至正二年通五公始徙居宜興之前亭里高祖味
閑公諱霽曾祖覺菴公諱楨祖月川公諱佳父沖字公
諱維嘗配胡氏繼陶氏公陶母出也遡通五公爲十世
崇禎癸酉舉於鄉丁丑成進士永歷時官至少傅太子
太師吏部尙書兼兵部尙書文淵閣大學士卒贈上柱
國中極殿大學士太傅兼太子太師鎮國公
明史作諡
文襄
明史作改諡忠肅
本張夏編本

文忠公自編年史

萬厯二十九年辛丑十二月八日辛未酉刻不孝生於夾

山之麓

村名十房街

時大人年幾四十再娶而艱於嗣禱

於句曲之峯夢神語曰考汝績醕篤恨汝薄祿無子惟
壽則上算耳大人泣曰願以壽易出遇一道士手招一
牧童至垂雙辮著犢鼻指謂大人曰是而兒也遂寤至
是不孝生先慈懷孕夢牧童笑入懷中旣一牛突入毛
角猙獰觸慈於地慈驚寤腹遂楚痛坼副幾絕因名不
孝曰授志神授也慈因是成疾不起大人年止五十而

卒初月川公悉讓其田宅與諸父乃居武進之夾山外

家王氏別業也

符錄因果諸書予素不喜附會至侈談夢語以自榜異尤爲君子所厭聞第此

出大人手遺不忍刪抹且以見大人一生勤積有感恩必應諺云在抱知母離抱知父慈旣以生不孝成疾比纔知識已終天抱恨先大人手撫腹摩養誨諄至雖體志事較親亦僅容顏彷彿嗚呼晨昏之戀何如幸俱存者有以告我乎

萬曆三十年壬寅二歲

殘臘止二十餘日未彌月而不

孝已歲矣先慈以艱生致疾十日五在床時不孝乏乳

乃覓乳里巷間里婦淨潔者迎之躍笑啖其乳否則雖

誘多方弗受也

錫之遊固天授哉少遊閭里長遊四方顧遊而惟王孫之哀是幸猶得以苟果

其腹乃皙黑汗潔之去取其不
至餒以沒世也幾希本張編

萬曆三十一年癸卯三歲 不孝苦啼先慈擲之地仰牽
其衣彷彿識慈之面貌服飾心竊訂曰奈何不撫摩予
而使困抑乃爾乎啼益急不能自已嗚呼兒時風景多
不記憶惟此一段光景若了了若不了了耿耿心目果
夙憶耶抑先慈不忍棄置不孝而陟降其靈耶每一念
及刺焉在心

萬曆三十二年甲辰四歲 暑月大人袒卧錫置所啖米
於大人喉坎閒爲倉以兩肩之坎爲別儲與同儕約先

啖東西儲而後及倉戒勿轉側少狼藉須大人自拾樂
矣哉種種穉驕所謂孩提之愛也迄今追溯洵有餘甘
萬曆三十三年乙巳五歲 大人與慈同舫錫侍幘高多
礙慈謔曰可脫之於河錫僞不解伺隙遽擲之慈愀然
曰其悍足以殺人大人笑曰無憂其狡足以自脫

萬曆三十四年丙午六歲 冬十月初十日先慈陶氏卒
於走馬塘徐氏之家年二十有九 疾革之夕舉不孝
與大人就日晡以產成疾今得授兒猶妾生也幸善撫
之無爲繼室所虐妾死且不朽復撫不孝曰授而母逝

矣而知之乎冀早成立使予春秋有祀也時殘燈明滅
扃戶闐然不孝睡夢中聞語自擲床下號泗不已比明
見以帛覆慈之首不孝呼曰奚爲帛使吾母若何飲食
乎痛哉猶未知爲終天之戚也且嗔家人言死曰聊睡
熟耳殮之夕不孝大慟持不肯下有徐婦者欺不孝曰
醫云如是晝夜母乃愈不孝信之每朝夕必環呼曰病
愈乎思飲食乎欲坐立乎予且使匠氏啟而視焉及葬
命不孝衰絰則以爲服而啟也命拜則以爲拜而啟也
設奠則以爲奠而啟也出門則以爲至啟所也跣而隨

則以爲趨啟所也土將覆乃驚投幾絕嗚呼痛哉痛哉而母死耶而母死而猶未之知耶今知之矣今知而無及矣又奚貴有知耶無論生不能養死不能葬兼不能知先慈何仇於授而必生授以殺之歟痛哉痛哉

萬曆三十五年丁未七歲隨大人塾於南宅黃氏始句

讀命名曰靈授大人口授不孝覺舌端隨過無結轡態偶於枕上聞大人諷誦施會元名鳳采君子之仕也二句墨藝殊入耳會心若有所解及大人寢吾已成誦大人曰竊讀之歟對曰未也聊識之耳大人甚喜見客輒舉以矜詡

三月爲不孝聘婦於陳氏妻父娛賓諱大懋故大人

門下士也居震澤湖之官瀆大人攜不孝至其家面相

訂遂納聘

時婦歲許以丙午十二月初六日生

萬曆三十六年戊申八歲隨塾於下坊錢氏

張編作劉氏

七月治毛詩

十一月痘 家人將禱錫詈神欲毀其像曰大人教兒

曰某之禱久矣再越月而痘始愈

萬曆三十七年己酉九歲隨塾於毘陵劉氏

張編作下坊劉氏

九月試筆作文 題目若夫豪傑之士二句不孝援筆

成篇有豪傑者使人待我豈我待人之句座客驚賞

時大

人落鄉闈快快不樂
見此文乃稍稍色動

萬曆三十八年庚戌十歲復隨大人塾於毘陵

張編作下坊

不孝痘後成瘡且苦瘡益以枯槁

大人以去歲鄉闈不捷每中夜撫懷而泣

錫請曰夫子何不豫之深也曰而大父母教育予者數十年予亦銳志攻苦今且就衰矣白髮在堂爲喜有限而兩母復中道折予淹倒至此何以慰存歿後先之志心驚鐘漏百愴具來是以悲耳不孝亦泣然泣數行下

張編本

萬曆三十九年辛亥十一歲居夾山隨大人塾於三橋周

氏 大人聲價達於江都宦族以厚幣來聘大人力辭

杜府尊承式與大人稱文行之友曰得館穀以爲甘旨

費不亦孝乎大人曰菽水者士人之恆古人不以是貶
孝晨昏依戀爲歡實多終不欲以此易彼也太守遺以
金復辭不受太守曰不其難哉不以貧沮不以利易我
思古人此之謂矣是歲受周氏聘修脯僅成而已

本張編

三月授讀左史 大父嘗曰士子以經世爲務猶五采
之堅瓠也授兒頗慧其課以左國書使知古今成敗得
失之由至是日讀數冊大人爲之口解指畫亶亶忘倦

本張編

三月十五日先君冲字府君卒于毘陵陶舅氏之館

先禁烟節大人治裝將歸省晨呼不孝曰膀後累累如
有所患至是成疽隨入郡就醫於舅陶氏越數日疽潰
諸父問後事大人曰予不祿天降之凶先予二老長逝
罪孽已極予死惟做氈敗葦浮土不封使速朽以彰不
孝之罪從容與不孝論讀書諄諄反覆有遺囑詳見行狀未竟
忽嘔血而暈時三月一日子刻也既一刻而復喟然曰
天乎必不使某終養乎強起再拜痛咎之言不絕於口
嗚呼是則大人之所以爲大人者乎時伯舅志恒遠塾
大人計往返以五日囑使者曰汝晝夜倍道余忍待之

比初五伯舅至大人已不能言張目指不孝開闔者久之曰善視我孤遂正衾歛體而卒享年五十大人博學強記於書無所不讀尤謹抑訥訥不出諸口處已嚴而切與人醕而有恩至睦友仁眾恤孤撫窮皇皇若不足然不敢專意必受命於王父母而後許人孝友蓋天植云是月合葬於虞山

岳山之南 本年史續增參張編

四月寄讀於郡城丁師所

七月大父月川公卒 大人竭力甘旨終身不蓄私財遺錫一椽數畝而已旋遭大父之喪未久而大母王夫

人繼之營貸殆盡拮据以償先業蕩然

萬曆四十年壬子十二歲三月依於岳家陳氏 初大人

以兩配早世誓不復婚以供甘旨故置一妾治兩喪與有力焉至是不相安而嫁予徬徨無依陳公娛賓聞之

太息曰吾師乎僅此孤也乃載予歸延師

錢德真

教之

岳父

貧而好義延師誨予毅然以父兄之責自任予嚴憚之
岳母許氏所以卵翼予者最詳而切雖失怙恃不至無依陳氏力也

本張編

萬曆四十一年癸丑十三歲依於陳氏正月附塾於里周

氏既爲遣歸

師邑庠生沈以初

四月改附於里李氏之塾 當

隆冬無緼露肘向日披讀左國不覺移午掩卷起忽手足拘曲不可屈伸仆地而呼岳母許氏抱置敗絮中逾刻而復是歲三仲父卒

萬曆四十二年甲寅十四歲附塾於宜興蔣師

邑庠生名中美家

窗友許某毒侮錫師不能禁

四月大母王氏卒合葬於虞山祖塋之昭 王母固世

毘陵膏粱族及來歸妯娌競尙奢侈王母每有盈昃之憂獨恭儉勤慎予家內徽世嗣則王母與二母相後先

天不降鑒悲夫

參張編